



*ODLUKA
O DODJELI „ŠESTOAPRILSKE NAGRADE GRADA SARAJEVA“
U 2019. GODINI
ZA DOPRINOS U DRUGIM OBLASTIMA RADA I STVARALAŠTVA
Bogić Bogičević
(prijedlog)*

*Predlagač: Odbor za dodjelu
„Šestoaprilske nagrade Grada Sarajeva“ u 2019. godini*

Obrađivač: Gradska služba za Gradsko vijeće

Sarajevo, mart 2019. godine



Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) i člana 13. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 3/17 – prečišćeni tekst i 49/17), Gradsko vijeće Grada Sarajeva, na sjednici održanoj dana . godine, donijelo je

(prijedlog)

ODLUKU
O DODJELI „ŠESTOAPRILSKE NAGRADE GRADA SARAJEVA“
U 2019. GODINI
ZA DOPRINOS U DRUGIM OBLASTIMA RADA I STVARALAŠTVA

Član 1.

Dobitnik „Šestoaprilske nagrade Grada Sarajeva“ u 2019. godini za doprinos u drugim oblastima rada i stvaralaštva je *Bogić Bogićević*.

Član 2.

Nagradu uručuje gradonačelnik i Predsjedavajući Gradskog vijeća na Svečanoj sjednici Gradskog vijeća.

Član 3.

„Šestoaprilska nagrada Grada Sarajeva“ dodjeljuje se u obliku Povelje i sadrži novčani iznos.

Član 4.

Ova Odluka stupa na snagu danom donošenja, a objavit će se u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Dr. Igor Gavrić

Broj: 01-GV-02- /19
Datum, godine

OBAZLOŽENJE

PRAVNI OSNOV

Pravni osnov za donošenje ove odluke je sadržan u odredbi člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojim je utvrđena nadležnost Gradskog vijeća za donošenje Odluke o dodjeli „Šestoaprilske nagrade Grada Sarajeva“. Odlukom o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“, broj 3/17 – prečišćeni tekst i 49/17), odredbom člana 13. propisano je, između ostalog, da nakon provedenog postupka za dodjelu „Šestoaprilske nagrade Grada Sarajeva“, od strane Odbora, Gradskom vijeću se upućuju prijedlozi za dodjelu Nagrade po oblastima, o kojima Gradsko vijeće donosi konačnu odluku tajnim glasanjem.

RAZLOZI ZA DONOŠENJE ODLUKE

„Šestoaprilska nagrada Grada Sarajeva“ dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede,
- nauke i obrazovanja,
- kulture i umjetnosti,
- sporta,
- zdravstva i socijalne zaštite,
- drugim oblastima rada i stvaralaštva,

bez obzira na godinu ostvarenja, a koji doprinose ukupnom unaprjeđenju, promociji i razvoju grada Sarajeva, kao glavnog grada Bosne i Hercegovine i Federacije Bosne i Hercegovine. Pod značajnim ostvarenjima podrazumijevaju se djela ostvorena u kontinuitetu koja se ocjenjuju kao doprinos razvoju odgovarajuće oblasti, u skladu sa kriterijima, uobičajenim za konkretnu oblast, a koja doprinose ukupnom razvoju odnosno promociji grada Sarajeva.

Sastavni dio obrazloženja je prijedlog pristigao po Javnom pozivu za predlaganje kandidata za dodjelu „Šestoaprilske nagrade Grada Sarajeva“ u 2019. godini.

Nagrada se dodjeljuje kao Nagrada za izuzetan doprinos Bogića Bogićevića u „drugim oblastima rada i stvaralaštva“, a u skladu sa Odlukom o uslovima i načinu dodjele „Šestoaprilske nagrade Grada Sarajeva“.

S obzirom na naprijed izneseno, Odbor za dodjelu „Šestoaprilske nagrade Grada Sarajeva“ u 2019. godini je, razmatrajući pristigle prijedloge za dodjelu Nagrade, a nakon provedenog postupka, utvrdio prijedlog i uputio ga Gradskom vijeću na razmatranje i konačno odlučivanje.

PREDLOŽENA RJEŠENJA

Članom 1. se imenuje dobitnik Nagrade u 2019. godini.

Članom 2. se određuje da Nagradu uručuje gradonačelnik i Predsjedavajući Gradskog vijeća na Svečanoj sjednici Gradskog vijeća.

Članom 3. je utvrđeno da se Nagrada dodjeljuje u obliku Povelje i sadrži novčani iznos.

Članom 4. se određuje stupanje na snagu odluke i obaveza objavljivanja u „Službenim novinama Kantona Sarajevo“.

SREDSTVA

Sredstva za realizaciju ove odluke se planiraju u Budžetu Grada Sarajeva.



Broj: 01/04-05-211/19
Sarajevo: 15.01.2019. godine

GRAD SARAJEVO
GRADSKO VIJEĆE

Odbor za dodjelu „Šestoaprilske nagrade Grada Sarajeva“ u 2019.godini

Na osnovu Javnog poziva o uslovima i načinu predlaganja kandidata za dodjelu „Šestoaprilske nagrade Grada Sarajeva“ u 2019.godini, objavljenog na Internet stranici Gradskog vijeća Grada Sarajeva, Gradonačelnik predlaže

gospodina BOGIĆA BOGIĆEVIĆA

za dodjelu „Šestoaprilske nagrade Grada Sarajeva“ u 2019.godini za ukupno unaprjeđenje, promociju i razvoj grada Sarajeva, kao glavnog grada Bosne i Hercegovine i Federacije Bosne i Hercegovine.

OBRAZLOŽENJE

Bogić Bogićević je dao izuzetan doprinos za nezavisnost i cjelovitost Bosne i Hercegovine što je kasnije, u Daytonu, odredilo i sudbinu Sarajeva. U aneksu 4, Ustav, član 1, tačka 5, stoji: Glavni grad Bosne i Hercegovine će biti Sarajevo.

Bogićević je ključni učesnik dramatične sjednice Predsjedništva SFRJ od 12. marta 1991. godine koja je odlučivala o uvođenju vanrednog stanja, odnosno, uvođenje vojne uprave u Sloveniji i Hrvatskoj i rušenje rukovodstva Bosne i Hercegovine i Makedonije. Zauzimajući se za postizanje mirnog rješenja, glas Bogića Bogićevića je spriječio vojnu intervenciju.

Bogićević je rekao NE nacionalizmu, a njegova izjava: - Ja sam Srbin, ali ne po profesiji -, i danas ima istu snagu i civilizacijsku vrijednost. U jednom intervjuu on je pojasnio: „sam sam donio odluku, u skladu sa svojom savješću, imajući stalno u vidu da predstavljam cijelu Bosnu i Hercegovinu i njene građane, bez ozira na naciju i vjeru“. Mada danas imamo drugačiju stvarnost, suprotnu političkim idealima Bogića Bogićevića, jer su sudbinu BiH uzeli u svoje ruke profesionalni Srbi, Hrvati i Bošnjaci, a Bogićević je i dalje optužen za „nacionalnu izdaju“.



Političko djelo Bogića Bogićevića ima, ne samo historijsku, već i trajnu vrijednost za sve narode u Bosni i Hercegovini i regionu, uključujući i srpski narod.

Dobio je visoka internacionalna priznanja.

Republika Hrvatska ga je 2002. godine odlikovala „Redom kneza Trpimira s ogrlicom i Danicom“ a Slovenija mu je 2004. godine dodijelila srebrni počasni znak slobode Republike Slovenije. Američki univerzitet u Bosni i Hercegovini mu je 2014. godine dodijelio počasnu doktorsku titulu, jer Senat AUBiH smatra da je Bogićević dao izuzetan doprinos promociji i priznavanju teritorijalnog jedinstva i integriteta Bosne i Hercegovine.

Ni jedna državna institucija osim Kantona Sarajevo na bilo kom nivou do danas nije, na bilo koji način, odala priznanje Bogiću Bogićeviću.

Sarajevo, 15. Januar 2019.

Gradonačelnik

mr. Abdulah Skaka,s.r.

Dostaviti:

- Naslovu, tri primjerka
- Evidencij
- a/a